



中江縣新志卷六

士女志

人物

五代前蜀

王隱君十國春秋中江人抱道不仕尤工於詩有落花吟云富貴雨中花昨開今復落無人解花意俱爲貪花錯蓋有感於時事志在遠引故姓名不傳

鄧元明十國春秋前蜀本傳貲產鉅億以富雄於鄉光啟中高祖自閬來圍成都軍食不繼元明時時開帑廩給之前後以數百萬計高祖欲官之元明辭曰不願也願

中江縣新志

卷六

士女

人物

一

公安輯一方不然兩川皆魚肉矣高祖欣然納之官其子宏忠州刺史宏生隆後蜀時爲資州刺史舊志邑人

宋

苟允中明統志中江人葬父自培其墳三年有虎二馴繞其旁醴泉出其下舊志允中十歲閱孝經遂以孝自勵父病衣不解帶三月而鬢髮皆白及卒負土成墳廬墓三年母病亦如之有孝子傳舊通志母卒亦廬於墓祀忠孝祠

鄧琛元費著氏族譜中江人鄧元明之後均順薦亂琛竭高貲且諭諸富人無斬邑人以故保全家頓貧徙雙流

以經學誘進後生羣聚至數百人有子曰至號二江先生范鎮爲之友范百祿從之游

元

趙垠通志中江人孝友過人母袁氏疾兩割股以進獲愈奉父炎避兵於渝被圍四年負販以養父父卒負遺骸歸葬先壟祀忠孝祠

牟敏中

州志無中字

通志中江人家世孝友三代不分居有詔旌表其門祀忠孝祠

明

譚尙禮舊志年十二父病焚香夜禱願以身代及卒哀毀

中江縣新志

卷六

士女

人物

二

骨立水漿不入口者數日葬畢獨居墓所天順初旌表其族祀忠孝祠

譚紀舊志字廷憲天順間廩生孝友性成父志聰有足疾左右扶侍四十年不少閒父歿泣血三年不御酒肉不入私室不樂仕進於所居左右建思親樓望親臺有司奏聞授教諭職銜歲時悲哀至老不替祀忠孝祠

黃一第歲貢生

舊志缺故選舉志亦未載

天啟時人與其弟庠生登第相友愛生同眠有姜家大被風歿同塚葬中村獅子山一第子一登第子四皆免張獻忠之禍至今子孫千餘人登文武科者六廩貢生員數二百餘年來二房絕

無口角之爭蓋其孝友之貽澤遠也  
許巍舊志字汝成號仰山博學能詩樂施好義隆慶庚午  
萬曆癸未大旱流離相望巍兩次出粟數百石賑活萬  
計臺院扁其門曰尙義可風其子姪篤學者歲給館穀  
不倦一時遊泮五十人食廩餼者九補博學四恩選二  
任縣令舉鄉試各一門族之盛皆巍培植居多見墓誌  
及祠堂記

國朝

楊可舉字春吾順治三年脫獻賊之禍六年投効總督李  
國英標下適中江未設縣官總督以可舉能又熟習本

中江縣新志

卷六 士女 人物 三

邑事檄委代理時邑境人稀地廣朝夕與居者惟投誠  
數百餘人可舉撫輯有方甚得衆心無事則爲負耒良  
農有事則爲荷戈武士邑民賴以安全至十一年設官  
始卸事計代理凡六年

林德隆字廣澤初爲湖南宜章人清修履道學以不欺爲  
本自幼言笑不苟稍長爲文自書所見不屑蹈他人言  
家貧應試一蹶不復往授徒數百里外值館童歸休獨  
處一室有女奔焉隆不與言正色濶步出乃媿而去遂  
辭歸主人堅畱不再就康熙庚寅遷蜀居邑北范家溝  
仍事舌耕鷄鳴卽起授書嘗言人無不望子弟成立我

輩教法未善卽爲不忠諄諄以孝弟端潔禮讓廉恥培其根性樂施好生斗粟尺布隨時及人見蝦蟇困涸轍必舉而昇諸江嘗曰吾慕麥舟及一切濟人事而貧賤弗能致盡吾力所可及而已年七十歲卒鄉人以其安貧樂義私諡爲安義先生子愈芳廩生愈蕃進士爲蜀理學大儒蓋其家學淵源有自也

林愈芳字桂山號香遠德隆仲子少有器識性聰穎好讀書年十二隨父遷蜀途間離伴獨前盜睥睨將劫之芳顧後來人佯呼曰吾待久矣行何遲也盜去得脫旣長力耕養親稍暇卽讀書好古文入邑庠食餼屢試高等

中江縣新志

卷六 士女 人物

四

性孝友女兄疾親調藥物弟愈蕃少應童子試背負以行生平不爲曲謹而大本卓然嘗教其弟曰文貌枝葉心地本根本根壞雖枝葉茂不可恃也與人交直白坦易胸無城府尤喜談忠孝節烈事聞者興起遇村疇卽與談因果曰彼豈能無爲而爲言禍福度知嚮方耳知者以爲名言著有四書文一卷詩賦記序共一卷行世孟鄴邑庠生勁正忠樸無末俗習氣受業林青山門下六年抗志希古青山甚愛重之恩義兼盡冀其大成惜以疾早卒彌留時猶呼先生不絕口蓋其篤信師教者深也青山哭之哀解衣裓之作輓詩四首其一云人生誰

不死我慟子能賢聞義卽知徙服勤常在前傷心時俗  
事抗志古先傳質學俱堪造何天不永年聞者皆惜之  
章廷翮字翥雲邑廩生氣質光明俊偉師事林青山品學  
益卓青山卒徒步二千里適古州求觀察龔學海爲師  
撰墓誌銘晚年授徒一以青山學規訓其門人夏夜苦  
熱偶有跣足者輒責之其方嚴如此以故從遊者皆爲  
端人正士邑人至今稱之

楊先甲庠生原名仕龍字乾三年十八失怙母老弟釋克  
盡孝友受業林青山門下嘗以端方忠厚評其爲人性  
和而介與人言惟恐傷之人或不義恒畏其知鄉鄰爭

中江縣新志

卷六

士女

人物

五

訟久不息先甲至輒立釋乾隆乙卯族衆售公業有暮  
夜懷金來餌者正色却之乃愧而去訓徒五十餘年一  
以敦品治經爲重門下士多所成就年九十無疾而卒  
按先輩林青山先生主持風教當時從遊者皆表正行  
端循循規矩望而知爲青山弟子如舉人陳樗貢生李  
上梅上杰劉世萬諸君皆詳見選舉志此外不勝枚舉  
茲特誌一二亦足以見先民之風度而慰後學者之景  
仰也

劉國材一名學津邑增生具才畧屢應鄉試不第事母向  
氏以孝聞嘉慶五年正月十五日教匪旣渡嘉陵江脅

從日衆二月已至劔州彰明江油等處國材奮不顧身募鄉勇三百人請於緜州刺史劉印銓就涪江堵禦刺史重其膽識凡事悉與計議一日夜半有難民渡江從人疑爲賊欲破其舟急止之全活甚衆時制軍魁倫避賊走涪江將駐營國材謂刺史曰制軍怯懦若爲賊前導苟駐此賊必至矣公其阻之如不可某請率鄉勇以助刺史從其言制軍去賊偵知有備不敢近遂由鹽亭竄遂寧三月杪白號賊首張子聰等驀渡潼河將入邑境國材率鄉勇馳回四月初五日賊由縣下村至東北大石缸鄉民趕集盡爲所殲是日國材團練鄉勇於黃

中江縣新志

卷六

士女

人物

六

鹿鎮幾四千人賊距二十里止不敢前遂爲德叅贊追及悉伏誅川北始靖庚辰

仁宗睿皇帝賓天就家塾中苦塊十旬日向北慟哭或問之答曰我雖未服官然世爲鄉氓受

國恩况教匪之亂非仰沐

大行皇帝鴻福吾民焉有今日言未畢泣涕交下聞者感動居家嚴肅有禮鄉鄰至必衣冠出見子孫侍立終日不命之退不敢退尤善排難解紛遠近信服每月吉率鄉人宣講

聖諭多所化導卒年七十八孫正慧乙酉舉人現任成都縣教

論

李拔字九達少孤善事重慈兄掄卒繼嫂劉氏守節子甫三齡爲之教養成立又代字諸姪女其三適黃學烈孀居子幼時加賑恤俾與其母劉皆得守節請旌年七十與姪分產一無所私好周急嘗代人賠償數千金無怨悔鄰爭田界讓不與較曰是值幾何吾不忍失和氣也幼抱喘疾晚年別築一室獨居習靜恙全愈因奮力於學曰研求字典音釋皆能成誦嘗語諸孫曰人心溺於物則昏物淨則靈吾壯歲蹉跎晚能強識皆由此心常存知孟子存養諸說誠讀書要義也拔少稜角峭厲

中江縣新志

卷六

士女

人物

七

至是涵養深醇氣象藹然聞其名者皆知欽敬當習靜時已就寢有穿窬伏牆下拔知之問曰爾來竊我乎此間無一物爾盍往吾家去竊以迫於饑寒告拔曰旣如此詰旦來吾當有以與爾竊曰君誠哀我顧白曰吾何面目見君拔遂起悉以所服衣及存米物啟戶昇之賊叩謝曰吾不敢復作賊矣其盛德感人如此卒年七十八子秉銳監生孫體元羅江縣庠生易煥彩字闇齋邑廩生性孝友親歿後兄弟旣析居弟負債累數千金仍分償之不稍吝生平敦倫飭紀立宗祠訂家規設蒸嘗會殫心竭力不辭勞瘁立身方嚴不苟

與人交坦直有不韙輒規勸或面折不諱與遊者悉敬  
憚爲益友其存心一本忠厚人或欺之卒不悔曰只求  
吾不負人則此心安矣引進後學孜孜不倦進士李福  
源當髫齡時一見器之相與指授文藝并訓之曰存好  
心行好事交好友作好人我輩一生守此十二字足矣  
幼與舉人羅汝价交好价卒妻子不能自給煥彩竭力  
調恤俾价妻張氏得完節次子世畊飲食教誨獲入邑  
庠人皆謂其不負亡友云卒年六十子純禧庠生

李君選邑西古店人李正國之第四子家貧廢學□□□  
淳樸父卒後竭力養母不假諸昆母夙長齋復□□□

中江縣新志

卷六

士女

人物

八

選謂年老非肉不飽願代之日扶持侍養不少懈及歿  
哀毀骨立孺慕終身生平尤無疾言遽色里黨愛而敬  
之卒年八十七

蕭韶庠生幼誠篤恬靜寡言既長立品端醇性尤至孝母  
病風痺出入背負溲溺澣濯梳頭裹足皆韶自任不諉  
妻孥母好看花韶徧植嘉卉四時不絕日背負往觀母  
樂之竟忘其有疾也因母病始習醫術兼以濟人母獲  
壽終計侍疾幾二十年不怠卒年六十有奇

黃■字執夫幼聰穎好讀書年十六從父命棄學力耕  
母劉氏病危急醫藥不效宅畔巖際有觀音像靜夜袖

刃往禱解衣破胸割其肝以歸和藥進母病隨愈人皆弗知甫七日父命舁石胸忽裂人問之始悉其故厥後父母皆患風痺出入則背負溲溺則扶持污穢則浣濯六七年如一日二老悉以壽終道光乙未執夫年五十邑人李福源序其事以壽之人多傳誦

黃元綬母陳氏久病不瘥綬年十八割股以奉病稍愈後十二日始卒今年五十左手痕猶存

沈定琮母鄧氏久病醫藥罔效琮割股以奉病立愈越五載乃卒

向世藝用中次子庶出少好讀書有至性嫡母劉氏患心

中江縣新志

卷六 士女 人物

九

病不愈遂廢學日侍湯藥不離側虔禱神祇獲痊道光丁亥春疾又作至六月益劇一日鷄未鳴焚香告天持刀割左脇肉煑糜以進母食不知病隨愈至甲午劉氏年七十四以壽終

彭應華母唐氏患病醫藥罔效割股以供病立愈

陳治文七歲父歿服賈養親母洪氏衰老病篤因割股奉之稍延十餘日而卒

何運能庠生文郁第四子母游氏患風痺不痊割股和藥進病稍瘥越半載卒屬纊時哀毀幾絕人咸稱之

林錫三年十餘歲道光戊戌夏隨母李氏至邑東寶嚴寺

渡江同舟七十餘人至江中舟覆錫三迅投急流中舉  
母騎其頸浪洶湧執母兩手衝突數里不忍釋餘人無  
一起者而錫三母子卒無恙人以爲孝思所致云  
賓守禮通志武庠嘉慶元年赴達州軍營呈告奮勇隨大  
軍擊賊於昭化縣魚釜灘力戰陣歿祀昭忠祠  
王尊榮通志嘉慶五年邪匪冉添元等偷渡嘉陵江涉潼  
河直犯縣境尊榮集團堵禦力戰陣歿祀昭忠祠  
劉陞劉南氏子性矯捷嘉慶初應募從軍待同伍善屢有  
軍功適賊至太平謀劫營陞偵知諭衆以忠義率襲之  
賊合擊殲焉祀昭忠祠

中江縣新志

卷六

士女

人物

十

劉必聞性孝友樂施與家貧有兄六幼析居自楚來中以  
勤儉積置田產迎兄來川均分侍佃戶厚應收租歷年  
義讓無數居當潼郡孔道運修石路積久不倦孫昌忠  
昌郡曾孫家憲均邑庠

王大曉字爾耀幼渾樸父歿隨母劉氏自楚來中手置田  
產母故事兄善分爨時念兄食指繁讓多受田百餘畝  
好調恤姻誼董宗榮貧給田十餘畝俾讀書鄭文正貧  
予錢伍百餘緡王仁貴貧竭力培植身入文庠遠族王  
義政三歲失怙恃曉聞之引至家視如己子撫之成立  
與完婚給田以養卒年八十六子孫甚盛

黃達璋先爲粵東人兄弟四旣析居年十七因家貧隻身來中貿易起家伯兄達珩旣喪妻赴中依璋爲之繼娶使同居生二子所置業仍與均分有楚人梁氏賣幼子還鄉贖妻璋與銀二十兩子長放歸給旅資面焚其券有乞人死遺子甫二歲璋育之至壯遺百金使去卒年九十有二子展純德純鼎純均庠生

王陞相幼聘梅氏女貌陋患癩頭禿梅氏願退婚聽他娶陞相不從謂不娶則此女終無所歸竟婚焉伉儷甚篤生子履吉禿卽愈吉中丁酉鄉魁令福建長樂縣調龍溪縣梅氏旣卒陞相迎養任所爲買一女侍朝夕陞相

中江縣新志

卷六

士女

人物

十一

拒不納召其父母至而厚遣焉

艾茂久字徵之庠生端謹醇樸里黨推爲善人妻早歲目瞽或勸其他娶茂久不可琴瑟靜好敬之如賓卒偕老焉事親亦孝母病狂當教匪亂避難來城主人以其母病不許寓茂久乃入斗山書院肄業潛負母匿寢所病又作同舍生皆驚視欲逐之茂久泣訴山長亦憫其志乃獲已卒年七十一子步瀛庠生

呂秦學庠生性好善乾隆九年凱水泛溢傾貲僱船以身率衆救活中壩居民無數設立祠堂蒸嘗會規培植子弟讀書法良意美年八十無疾卒孫聲韶己酉舉人任

南部訓導

謝彤鑾有隱德道光丙申年卒將葬有中年婦攜一瞽者以隻雞斗酒來弔哭泣甚哀舉家不識詢之云姓楊住邑東方壁山昔年日瞽將嫁妻存活得禮貲八千夫妻慟泣於路不忍別鑾遇之如數代給伉儷如初後貲盡仍將嫁妻鑾聞之倍予以金使佃產爲生計今聞其卒特來哭奠語畢夫婦益嗚咽不已聞者皆悲嘆舉人黃中吉爲作瞎子歌以記之世不成人瞽兩目貧至嫁妻向誰哭亦知妻去夫益孤自分早晚填溝瀆忽遇謝君給以錢夫婦幾如再世緣金錢入手容易散楊家瞎子

中江縣新志

卷六

士女

人物

十二

又呼天謝君陰德補造化多與青蚨益慨然瞎子自此能生活菜羹煮粥可熬煎誰知兩度全人鏡己身鏡破不重圓又教瞎子呼天哭積德何事不延年豈是瞎子罪應死誤救還教有過愆古人不助天爲虐殘疾無告理當全再有犛獨鴛鴦散更望何人苦周旋俛俛泣涕來奠酒謝君喪事世罕有靜聽瞎子前致詞惟願先生昌厥後孤兒他日表瀧阡瞎子重當來頓首

殉難義民

附

陳千哲爲賊所執與妻周氏俱被害

劉士琢與弟士舉士清俱有勇力賊入境率團勇赴積金

場堵禦衆驚散兄弟手刃數賊而死

鄧上傑經理福壽寨率衆出探賊賊突至奮力攻擊而死  
張時習殺賊三人身被數鎗死

張時美殺賊十一人身斃其妻藍氏見夫被殺因痛哭同  
遇害

陳仕斌年八十有三賊至猶能殺賊三人力屈遇害

劉芳年七十罵賊死

冉子元爲賊所獲脅以從不屈死

許位受爲賊所獲不屈死

羅昌珣邑廩生羅元魁之父與兄昌璵率團勇堵禦俱被

中江縣新志

卷六

士女

人物

十三

害

唐先偉年七十遇賊於路與子訓能同被害

劉琮賊過南嶽廟與族鄰劉朝孚劉士孜王隆富王運孝  
等率團勇堵禦斃賊十餘人賊稍却明日賊復至團勇  
解散琮等五人猶持刃殺數賊而死賊火其廬婦女死  
者以數十計

楊仕遠年八十有九賊至遠正衣冠拜天地祖宗與子文  
格文桐俱罵賊死

葉有志年七十率子弟團勇禦賊斃數人賊不敢近次日  
賊突至被執死之

趙坤伸與姪詩尊耕於田賊至持鋤拒賊賊並殺之  
周達禮賊入鄉達禮憤呼子弟及鄉人同禦賊賊並其妻  
二子一孫皆鬻之

黃子惠年八十二甚健率衆拒賊殺賊數人餘退去次日  
復蜂集猶持矛力戰死

趙中達年五十六賊至欲殺之引頸受刃死

趙佑康被賊擄憤罵賊怒剖其腹 以上均嘉慶五年教

匪亂殉難義民見志藁其入昭忠祠者名載祠祀

胡國禮教匪亂送父入城歸遇賊賊脅以從不屈死子紹

濂增生補

列女

〔漢〕

馮季宰妻李氏華陽國志李進娥鄴人馮馬一作季宰妻也

季宰早亡父母欲改嫁進娥剪髮自誓養子終義讚曰

彭王輔王便敬進娥殘體令誠

〔宋〕

蘇易簡母薛氏宋史蘇易簡傳易簡叅知政事上召薛氏入禁中賜冠帔命坐問曰何以教子成此令器對曰幼則束以禮讓長則教以詩書上顧左右曰真孟母也

蘇舜欽妻杜氏 一統志舜欽謫宦以死杜布衣蔬食居

中江縣新志

卷六

士女

列女

十五

數年挈其孤子斂其生平文章號泣走告於其父曰吾夫屈於全猶可伸於死衍因請歐陽修爲序其集而傳之宋史蘇舜欽傳舜欽娶宰相杜衍女杜氏有賢行楊榆母賈氏舊志夫死不嫁事舅姑以孝聞舅姑皆年九十餘無疾而終賈氏追悼喪盡禮有芝草生於墓側年八十康健不衰淳熙間詔旌其門

〔明〕

陸文魁妻劉氏舊志文魁御史陸必壽子早亡氏守節成化間荷恩榮旌表知縣壬杲爲之建坊見馬廷用王公德政碑並陸守元文魁子也墓誌銘事實無考

庠生劉芳世妻趙氏舊志年二旬芳世見背子湛尚在襁  
褓又翁姑蚤亡家世寥落乃晝夜拮据負暄而績不與  
媼戚晏會卽母家迎亦不赴時有議婚者氏以死却之  
苦教其子曰遣就外傅夜辟繡伴呶唔遇冬寒甚取絮  
煖子足卒至成立食廩餼氏歷紀七稔有餘崇禎戊寅  
奉恩詔旌表 見本坊

牟履慶妻李氏舊志潼川進士李爲鼎女也秉性端方通  
古今忠孝大義崇禎末適邑舉人牟景子庠生履慶獻  
賊之亂景遇害夫婦往依爲鼎於秦之寶雞年二十一  
履慶卒子尼甫三歲氏誓死撫孤蜀平以祖宗墳墓故

中江縣新志

卷六

士女

列女

十六

還里時族姓流亡無一存者氏持齋苦守課尼讀中辛  
酉科武舉尼死又撫兩弱孫裕祖繩祖督以力學俱補  
弟子員而氏始卒年七十有六邑人咸相嘆服謂有古  
孟母風

本朝旌表載 一統志

國朝

廩生戴玟妻張氏舊志康熙癸卯孝廉象樞之女年二十  
二夫亡堂上一姑膝下二子惟賴氏以存活氏艱辛備  
嘗奉姑終老又素識詩書無力延師教子常親課之長  
維極有文名次維植中副榜孀居秉禮雖諸姑伯姊見

招不一往苦操經四十載如初里人匪獨羨其節日以爲事事皆可風云

楊簡書妻易氏舊志德陽生員瑄之女年二十三夫亡痛念藐孤在抱二老衰頹雖貧窮益厲其操終始不渝廩生李光緒妻王氏舊志年二十三夫亡時遺腹五月治喪畢卽日夜禱祝願生男以續宗祧否則以死報所天後吉叶弄璋乃稍釋慘淡容茹苦如飴者三十三年無二志宗族戚黨咸稱其節其奉舅姑也針指以供甘旨承顏順志老人忘其無子焉

倪永寬妻馬氏舊志年二十三夫亡扃室守節歷三十八

中江縣新志

卷六

士女

列女

十七

載雖至親弗識面也慈孝兼盡人無間言

監生李綉妻陳氏舊志漢州貢生陳惟同長女二十九歲而孀時翁早世姑年垂暮子生甫二歲氏親操井臼不懈機杼甘旨得以無缺教子世任入膠庠孫枝五人亦秀出不羣族黨賢之

羅仕清妻李氏舊志生員李仙品之女秉性端嚴二十七歲仕清歿氏奉姑備孝敬撫三歲子彥甫歷盡艱辛後彥甫由國學試棘圍不售援例捐州司馬職銜以慰母心

庠生李緯妻傅氏舊志簡州人任黔江教諭煥文之次女

幼嗜詩書性貞靜適邑孝廉李如珏之子緯緯力學有聲庠序得羸疾不起氏失所天痛而絕者再時孀姑衰老子世保在襁褓氏竭力奉姑致誠致敬子稍長卽親授以書史迨年十三乃使出就外傅後世保未冠補諸生旋中辛卯鄉試副榜鄉里極稱共慈孝

業儒秦三元妻周氏舊志年二十生二女後生男成韜甫一歲而夫亡時年二十七敬事孀姑姑老多病氏侍奉藥餌輒夜不眠如是者九年戚族咸稱其孝孤成立教以義方慈嚴兼盡

庠生王悌妻戴氏舊志沅州司馬戴廷對之孫女廩生戴

中江縣新志

卷六

士女

列女

十八

四

媛之次女年二十六夫早世痛不欲生姑曰吾垂暮之人慘喪丈夫子婦再亡吾無生爲矣氏聞之益痛甚時子仁立南三歲閱數月生男玉立氏含痛節哀奉姑訓子歷盡艱辛後仁立入武庠玉立任巡司年七十餘乃卒 以上並以節孝先後

旌表載 一統志

舉人戴琛妻李氏舊志舉人李貴中女夫卒遺三子一女氏矢志守節教子成名長惟樗副貢次惟楫惟樞俱登孝廉

廩生顧枏妻岳氏年二十四而寡割髮自誓甘處貧困守

節三十三年舊志

顧言妻杜氏年二十二孀居事姑自甘苦節不求表揚歷四十二年舊志

處士戴文圖妻張氏遂寧文端公姪孫女松潘廳訓導勤恕長女年十九于歸六載夫亡遺一子方襁褓氏茹苦自甘事翁姑養葬盡禮課子瑞岡列膠庠計守節已三十年矣舊志

邑士鍾上祚妻陳氏年十七歸上祚六年夫卒遺一子九崑甫二歲遺腹子九峯時孀姑在堂陳氏親操井臼事姑終老教二子俱入邑庠守節五十一載舊志

中江縣新志

卷六

士女

列女

十九

李縝妻陳氏彭縣優貢生陳惟震女年十九適邑貢生李如環次子縝生子敦倫甫二歲夫歿氏年二十二矢志守節平生謹言笑雖至戚不輕往來撫子成立孫俱業儒

王易和妻黃氏三臺縣武舉黃爲宸孫女生子濤甫三歲夫歿氏年二十三矢志守節事孀姑養葬盡禮教子身列成均其夫女兄適孟氏者年老家貧無子氏奉養終身孫如春武舉人

州判孟衍輿妾鄭氏揚州府人衍輿歿氏年二十六守節終身

舉人王廣益繼妻戴氏歲貢生戴濤女舉人戴瑞岡胞姑  
于歸甫五月夫歿氏年二十五歲守節四十餘年無子  
瑞岡爲之養葬

監生陳常昇妻漆氏年二十八夫歿遺二子矢志守節姑  
病十六載侍湯藥不懈姑以壽終教子謹侗俱邑庠生  
監生吳崑妻孫氏貢生任教諭孫思達之女年十八于歸  
夫歿氏年二十五遺腹生一子輝泰監生矢志守節事  
翁姑孝年六十二歲

陳濬妻唐氏夫歿氏年二十四無子夫弟沆尙幼俟其年  
長始撫其次子德明爲嗣守節終身

中江縣新志

卷六

士女

列女

二十

冷兆琳妻林氏夫歿氏年二十九教子朝陽雲南曲靖府  
司獄司正溥廩生孫世堂世含俱庠生守節終

貢生孟鄰妻王氏歲貢生王本立女于歸後無子勸夫納  
妾年二十七夫歿妾遺腹生一子氏教養成立守節終  
身其夫女兄適增生李長青五年而孀氏迎養數十餘  
年亦完節而終

監生文立通妻向氏夫歿氏年二十八矢志守節子思俊  
國學孫忠信武庠俱見志藁 以上乾隆嘉慶間先後

旌表

庠生孟海瀾妻吳氏重慶府教授吳啟泰孫女庠生吳錫

純長女年十七于歸越三載生子學周而夫歿氏於葬夫之次日殉節自經

張維鶴妻何氏何美章女年十九于歸明年三月生子玉麟越三月夫歿守節終身

業儒白文莊妻戴氏夔州府教授戴維植孫女庠生戴潛次女年二十于歸生子玉穀甫四歲夫歿氏年二十八矢志守節教子有方事翁姑以壽終

汪榮朝妻鄭氏鄭道清女年二十于歸生子昌茂夫歿氏年二十八歲矢志守節嘉慶九年子昌茂又卒媳李氏亦承氏志撫孫永康成立

中江縣新志

卷六

士女

列女

二十一

儒童戴暹妻楊氏新繁縣庠生楊世任女舉人楊延曙胞妹年二十四歲于歸越一載生子曾察甫三歲夫歿氏年二十七歲守節教子曾察入邑庠生

李掄繼妻劉氏劉苞女年二十于歸越六年生子秉瓚甫三歲夫歿氏年二十七歲矢志守節與夫弟拔同居三十餘年雍睦可風主持中饋賢聲遠播教子列入國學年七十八歲

羅仁泰妻鄧氏鄧誠信女年二十于歸越一載生子文綜年二十三歲夫歿守節現年六十八歲

羅仁溥妻吳氏吳雲淙女舉人吳迺鏞妹年十七于歸年

二十夫歿撫夫胞姪文繡爲嗣守節三十一載辛年五十八歲

黃學烈妻李氏李掄女年二十一于歸生子登選登達夫歿氏年二十六歲家貧苦節完貞翁老鰥居勸令再娶夫弟學光卒婦再醮遺一女甫二歲氏爲之撫養遣嫁季弟學浩幼衣履皆其親製現年六十有二

計心玉妻李氏李世堯女年二十一于歸二十九歲夫歿撫夫堂姪順章爲嗣已列國學早歿又撫孫安仁成立  
貢入成均

儒童李仁守妻何氏賚贈登仕佐郎何灌宏女年十八于

中江縣新志

卷六

士女

列女

二十二

歸生子義澍年二十二夫歿守節

王瀾妻孟氏 恩貢河南信陽州州判賚贈通奉大夫孟衍輿女年十八于歸生子易恩年二十八歲夫歿於廣西守節教子成立

彭時欣妻戴氏戴繼霖長女年十八于歸生子定祿年二十七夫歿守節

王心純妻許氏許天虎女年十九于歸次年夫歿遺腹生一子順暢矢志守節與姑同寢二十餘年克盡孝養以壽終

國學胡順舉妻丁氏庠生丁國楨妹年十七于歸越六載

生子國棠授例入明經年二十八夫歿遺腹生一子國極守節撫孤成立

胡明文妻游氏游興祖女年十七于歸生子志貞年二十二夫歿守節舅姑相繼逝夫弟幼穉無依皆氏教養成立

何其萃妻王氏庠生王象洙女年十八于歸越二載生子昌平年二十四夫歿守節家貧撫孤成立事翁姑皆以壽終氏年八十八歲

江成仁妻王氏王惟上長女年二十一于歸生子炳文從九炳靈國學年二十八夫歿守節事翁姑以壽終現年

中江縣新志

卷六

士女

列女

二十三

七十二歲 以上俱道光年間

旌表

冷正謨妻張氏張意女年十八于歸生子世守至二十五歲時夫因母病垂危急入市取藥渡河溺死氏矢志事姑教子成立

胡繼琮妻蕭氏蕭應懋女年十七于歸生子仕俊仕傑夫歿氏年二十一守節孀姑折足扶持者十二年又念夫姪仕位少孤教養婚配並令其子善視之年七十卒

何學璵妻蕭氏蕭學祿女年二十五于歸生二子萬增萬培二十九歲夫歿時萬培生甫三月守節二十五載卒

權登亮妻李氏李世堯女七歲養於夫家完配後生子其  
才夫歿氏年二十一歲茹苦守貞歷五十九載卒年八  
十 以上四節婦於道光十年建總坊

旌表

增生徐親熙繼室彭氏彰明縣庠生彭道立女道光乙未  
新修 文廟氏捐產三十畝工竣題准建坊 賜額曰  
好善樂施卒年九十一歲

李仁忠妻袁氏康熙初隨舅姑與夫自楚遷蜀夫歿後夫  
兄分產畀以礲瘠氏明大義不與較生子三季幼病廢  
伯仲均先後物故率二媳矢志撫穉孫食貧茹苦有傭

中江縣新志

卷六

士女

列女

二十四

工掘土宅傍得一簣銅持以易米氏識之告曰此金也  
吾不汝欺慎攜歸可以富矣其臨財不苟如此又知書  
好行善事生平刊送感應篇文不倦並時與子婦講說  
戚族咸敬信之多所感化年七十有六卒舉人熊太占  
表其墓

劉朝映妻向氏能誦書知大義勤紡績供衰姑旨甘勸夫  
子勵學有文名夫歿後尤教子有方每遇元日聚家人  
聽講朱子家訓

□訓且著口號十二條誥誡子孫皆足爲法年九十四卒  
子國材見人物志

武舉牟尼妻馬氏舊志陝西寶雞人與姑李氏同受艱辛夫歿守節教子裕祖繩祖相繼登賢書時稱其不媿姑志云

白玉組妻楊氏監生楊秉觀女年十七于歸生二子次琯庠生二十四歲夫歿孀居十二年卒

孟邨妻王氏年二十于歸生子裕寬二十五歲夫歿守節三十年卒

鄭世珍妻張氏監生張浩然女年二十于歸生一女二十四歲夫歿或勸他適不從孝養孀姑撫胞姪仁樞承祧有夫故欲嫁者必勸阻之年七十有二卒

中江縣新志

卷六

士女

列女

廿五

戴惇妻李氏巡檢李世儲女文生澍棠姑母年二十于歸越二年夫隨父戴文選浙江龍游巡檢任所病故時嫡姑吳氏在家無人侍養氏矢志守貞翁歸爲撫夫姪時杰爲子苦節四十一年卒

童幼梅妻王氏年十九完配生子明富二十五歲夫歿養姑教子苦節四十四年卒

林資健妻劉氏年十九于歸二十三歲夫歿以族姪道輶爲嗣養親撫孤克全婦道守節四十六年卒

鄧世榮繼妻趙氏于歸無出勸夫置妾蔣氏生子國培夫病足行不能履地氏藉之以手臂皆重繭年二十九夫

歿守節三十六年卒

鄧世榮妾蔣氏夫歿時年二十二矢志撫孤善事嫡室守節三十八年卒

李玉彥妻唐氏生員尙賓祖母年十八于歸生子建書建用二十四歲夫歿守節四十三年卒

劉杞妻戴氏年十九于歸三十歲夫歿子甫半歲矢志所天苦節五十年卒

衛千總劉攀桂妻戴氏年十九于歸生子士獻二十五歲夫歿事孀姑撫弱子守節二十八年卒

王恆旻妻陳氏庠生宗之女年十七于歸越二載夫歿撫中江縣新志

卷六

士女

列女

廿六

二子一名維壘邑庠生守節三十七年卒

冷世候妻劉氏年十七于歸是年隨叔赴雲南任卒撫夫姪德遂承祧守節四十三年卒

吳廷珍妻房氏年十七于歸生子方文二十三歲夫故守節十二年卒

彭東一妻范氏生子定乾二十五歲夫歿其子四十餘亡撫族孫元鼎爲嗣八十七歲卒

戴高騰妻王氏年十六于歸越十載夫歿矢以身殉因親老子幼從親族勸乃止苦節十一年卒

何其俊妻李氏監生仕成女年十六于歸次年生子昌順

數月夫歿苦節五十四年卒

陳宗典妻許氏二十七歲夫歿僅一女撫姪念綬承祧卒年六十有二

鍾明達妻劉氏年十七完配生子永禎永善二十七歲夫歿苦節五十一年卒

陳餘明妻張氏年十七于歸越二載夫歿撫姪湯畋爲嗣養親教子年八十有五卒

袁世作妻張氏生一子年二十七夫歿撫孤成立因伯氏業隘丁繁并以幼姪爲嗣愛如己出守節十有九年卒

伍良貴妻文氏生子尙燦年二十六夫歿苦節二十八年

中江縣新志

卷六

士女

列女

廿七

卒

李紉妻楊氏新繁浙江按察司宏緒之三女年十八于歸生子敦侖甫七十日夫歿氏年二十矢志撫孤卒年八十有四

劉慎妻趙氏甘肅中衛巡檢邁于之媳年二十于歸甫八月夫歿生遺腹子永壽亦殤與弟婦徐氏共撫遺腹子永啟承祧迄今孫曾林立議叙職銜泗遠卽氏孫苦節五十年卒

趙天永妻蔣氏生子佑錦二十三歲夫歿勤修婦職好善樂施守節四十年卒

陳昌生妻吳氏十六歲于歸生子世杰世儂年三十歲夫歿先是夫貿易積金數百借給於人氏索之其人欺氏寡子幼橫不肯還氏即焚其券不與較貧甚往母家貸十餘金率子力耕作食茶茹苦數十年無怨言晚歲家頗饒裕孫曾林立壽八十有六卒

劉紀德妻歐陽氏年二十夫歿矢志守節教子嚴明年八十卒見志藁

監生王可乾妻年二十八歲夫歿守節事姑教子成立年五十八歲卒見志藁

監生張心滔妻年三十夫歿事翁姑養葬如禮長子翊邑中江縣新志

卷六 士女 列女 又二十七

庠生壽九十有二卒見志藁

彭永壽妻張氏年二十夫歿矢志守節年九十餘歲卒見志藁

楊秀升妻董氏年二十夫歿矢志守節養姑撫子年八十餘卒見志藁

何昌璘妻洪氏年十八夫歿矢志守節撫夫猶子爲嗣年七十餘卒見志藁

劉守德祖母謝氏年十九夫歿矢志守節夫兄弟欲奪其志強令再醮迎婚者至氏毀容剪髮鳴之官得免撫孤成立卒年九十餘歲見志藁

陳錫達母王氏年二十六夫歿矢志守節孝事翁姑教子  
義方四世未析居卒年九十有九見志藁

鄧政妻甘氏年二十九夫歿矢志守節事翁姑孝教子孫  
嚴五世同堂卒年九十有四見志藁

趙開科妻李氏年二十六夫歿矢志守節教子身列成均  
卒年九十歲見志藁

趙開武妻雷氏年二十四夫歿守節撫子卒年八十歲見  
志藁

王子讓妻楊氏年二十一夫歿守節教子卒年八十三歲  
見志藁

中江縣新志

卷六

士女

列女

前二十八

何元仕妻鍾氏自閩來中年二十六夫歿矢志守節姑先  
卒事翁極孝養葬盡禮教子輔周輔乾克創家業輔忠  
輔清俱列成均孫昌祺州同昌禔昌祖庠生昌佑國學  
曾孫亦繁衍五世同堂卒年九十有六見志藁

何輔乾妻林氏年二十四夫歿遺二子昌祺三歲昌祖一  
歲矢志守節孝事孀姑親操井臼教子成名卒年六十  
六歲見志藁

房文秀妻劉氏年二十夫歿遺一子矢志守節孝敬翁姑  
養葬盡禮教子成立慈嚴兼至遠近稱賢卒年四十八  
歲見志藁

庠生楊占春妻李氏歲貢李長盛女通經史年十六于歸二十五歲夫歿撫姪伯桂爲嗣娛親課子守節二十一年卒

劉漢模妻鄧氏十九歲合巹生子士修二十四歲夫歿嘉慶初賊入境氏攜子避難母家遇賊衝散氏與外家皆被擄押置傅姓宅氏扶母匿酒甕旁得脫避竹園中三日賊遠去始扶母歸其子次日亦還鄉人義之於避難處立碑記之六十五歲卒

劉書妻鄧氏年二十于歸越四載夫歿撫夫姪士紹爲嗣四十歲卒孫兆麟入武庠

中江縣新志

卷六

士女

列女

廿八

徐光梅妻陳氏甫一歲適徐年十六完配生三子二十九歲夫歿守節五十六載卒

戴鉞妻郭氏二十一歲于歸踰八載夫歿遺一女貧無立錐或勸他適不從夫族進士戴昶延至家以成其志守節四十一年卒

蔣明泰妻劉氏貢生劉世萬孫女年十八于歸越一載夫歿生遺腹子光承撫孤四十二載卒

張仕昌妻陳氏十九歲于歸生子時源二十三歲夫歿娛親教子孫大鯤入邑庠守節五十八載卒

蔣明顯妻劉氏二十四歲夫歿撫夫姪光祿爲嗣苦節四

十七載卒

劉昌國妻張氏二十四歲夫歿撫夫姪家嗣承祧守節五十一載卒

薛眷隆妻劉氏年十八于歸生子禎二十二歲夫歿撫子成立孫鼎元議敘八品守節六十二載卒

鍾理經妻李氏十八歲于歸生子錫麟武舉人二十八歲夫歿守節二十三年卒

唐元紀妻尹氏年二十三歲于歸生子啟典二十八歲夫歿守節三十一年卒

梁榮照妻袁氏年十七于歸踰四載夫歿生子二昌斌昌

中江縣新志

卷六

士女

列女

廿九

明俱幼嘉慶初賊入境攜二子避難城中後值荒歲以米粥雜上塊供朝夕餐守節撫孤備嘗辛苦事翁姑以孝聞教孫元善入泮食餼年七十二卒

鍾九苞妻劉氏十九歲完配二十二歲夫故撫子朝元慶元入武庠守節三十年卒

增生魯保妻黃氏年二十于歸生子崇信二十八歲夫歿守節四十七年卒

張賢俊妻劉氏年十七于歸生子能作踰月夫歿撫子成立未幾卒又率媳陳氏矢志守節歷四十七年卒

張能作妻陳氏十九歲完婚生子應明二十三歲夫歿守

節二十七載卒

王巽妻李氏年十七于歸數月夫故撫族姪易祥爲嗣苦節五十二年卒

監生王畝妻陳氏二十歲完配生子易新越五載夫歿守節四十七年卒

舉人王易原妾嚴氏初易原四十無子妻孟患病奉父命娶之氏方十五歲生子淑食餼郡庠年二十九夫歿事大婦盡禮遺產八畝族黨牽售之氏堅守猶存卒年六十

王朝立妻李氏年二十夫歿矢以身殉從親命撫夫姪矐

中江縣新志

卷六

士女

列女

卅

爲嗣苦節五十五年卒

曹廷壽妻陳氏年十八于歸二十歲夫歿撫夫姪元華爲嗣守節六十三載卒

張于祿妻魏氏年二十于歸生子泰壽年二十七夫歿守節四十六載卒

監生彭霖妻王氏二十二歲于歸生子邦模年二十八夫歿守節五十載卒

彭邦模妻戴氏年十九于歸生子開瑞二十六歲夫歿守節四十三載卒

薛敬元妻嚴氏庠生嚴濟光女年十七于歸十九歲夫歿

苦節四十年卒

舉人李蓉妻張氏崇慶州兵部郎中張陸飛女年二十一于歸生子如理二十三歲夫歿於德陽匍匐奔喪扶柩歸厝孝養衰姑教子入庠嘗勗以存忠孝心行仁義□苦節四十八年卒

戴文安妻傅氏墊江訓導傅增適女年二十于歸二十四歲夫歿撫夫姪心典爲嗣苦節四十九年卒

阮大佑妻卿氏年十七于歸二十三歲夫歿撫夫姪乾亨爲嗣八十有一卒

彭開溥妻劉氏貢生劉大侓女年二十三于歸甫七月夫

中江縣新志

卷六

士女

列女

三一

歿生遺腹子應笏守節四十一年卒

張學訓妻曹氏年二十于歸生子必壽二十六歲夫歿苦節六十四載卒

余榮廣妻賴氏年十八于歸生一子二十六歲夫歿守節五十三年卒

涂綱生妻曾氏年十七于歸生子方崇十九歲夫歿守節四十一年卒

秦成標妻雷氏年及笄于歸二十八歲夫歿撫胞姪漢肱嗣養親教子守節五十四年卒長孫邦廷千總次邦建貢生

彭道明妻蕭氏年二十于歸生二子二十六歲夫歿守節四十七載卒

彭道智妻楊氏年二十于歸撫一子二十四歲夫歿苦節三十八載卒

鄭光裕妻陳氏年十八歲于歸生二子二十七歲夫歿守節四十一載卒

趙佑年妻龐氏年十八于歸生子爾曇二十八歲夫歿善事繼姑教子讀遺書以成夫志守節二十年卒

涂登仁妻毛氏年十九于歸生一子二十四歲夫歿守節三十九載卒

中江縣新志

卷六

士女

列女

三二

白爲鐸妻葉氏二十歲于歸生子塹二十八歲夫歿苦節四十年卒

陳大鵠妻梁氏生子元壽年二十七夫歿家貧賴十指供生計仰事撫育苦節三十四年卒

武生周宏模妻王氏年二十一于歸生子志懷二十六歲夫歿孝事病姑撫孤成立守節四十四年卒

副榜李筦妻戴氏二十歲于歸生子培根二十六歲夫歿撫孤成立守節五十年卒

周文魁妻張氏年十九于歸二十七歲夫故撫姪陞武承祧守節五十六年卒

□芳盛妻李氏監生李織女二十一歲于歸生子文桂二十九歲夫歿家窘甚矢志靡他苦節二十一年卒

□一榮妻王氏年十七于歸生子生斌生玟二十八歲夫歿利其產者強之嫁攜子避於樓時有虎害人復僞爲虎以恐之不懼且大言曰願教虎食吾身不使人奪吾即其矢志如此年七十有四卒

□楊仲書妻李氏年二十于歸生子拔二十六歲夫歿  
□節五十二年卒

□反葵妻羅氏歲貢生任岳池縣訓導羅啟成女二十四歲夫歿矢志守節撫子良伸成立卒年七十九

□江縣新志

卷六

士女

列女

卅三

□仕妻謝氏年十八于歸生子興綱二十一歲夫歿守

□五十二年卒

□鳳妻李氏年十八完配生二子次遇泰邑增生二十八歲夫歿教子成立孫聲宜亦增生守節五十六載卒  
士成妻劉氏劉必聞之女生一子僅二齡夫歿氏年二十家貧躬開草萊以養姑撫子後教匪亂氏年六十子媳俱被害氏督諸孫耕讀賢聲遠播

□廷開妻楊氏夫歿氏年二十翁姑俱老矢志守節撫夫姪爲子氏以壽終

□員孟鄴妻黃氏年二十八夫歿生二子矢志守節教子

成名次子廷揚歲貢氏卒年八十有三

生員戴江妻張氏廣西石安道張漢孫女年十九于歸二十八歲夫歿矢志守節教子文芳文錄成名俱入邑庠  
廖儒相妻鄧氏三邑貢生鄧宏貴女年十九于歸二十歲夫歿生遺腹子忠弼入國學孫嘉猷入邑庠卒年五十  
監生李約妻高氏年十八于歸生子敦俊二十八歲夫歿教子成立任湖北光化巡檢卒於任氏經理回籍撫姪孫李筵爲孫年七十一卒  
權登美妻蔣氏年十七于歸二十二歲生子其秀甫百日夫歿苦節六十四載卒

中江縣新志

卷六

士女

列女

卅四

舉人羅汝价妻張氏庠生呈祥女年十九于歸生子二次世耕庠生二十九歲夫歿守節三十四年卒  
生吳崧婢女名南方以南爲氏長配劉來安南氏生一子一女子名陞來安竄亡氏矢志靡他以陞死戎行歲領優恤自給年八十餘卒  
中桂妻鄧氏年十九于歸生子芳龍二十九歲夫歿苦節四十五年卒  
劉學元妻鄒氏十九歲于歸生子興仁興義二十六歲夫歿守節三十八年卒

劉大賢妻支氏年二十完配生子人昌人序二十八歲夫

歿守節二十三年卒

譚永述妻劉氏年十九于歸生子必讓必詮二十三歲夫歿苦節六十二年卒

易國璠妻羅氏江西泗州州判紹政胞妹年十九完配未兩載夫歿撫姪有級有緇嗣教養成立苦節六十年卒  
黃子奇妻張氏年二十一于歸生一女二十五歲夫歿撫夫姪珣爲子國學孫燮元庠生分產時令子與諸姪均不稍私八十三歲卒

楊勝桐妻廖氏年二十完配逾二載夫歿撫夫姪秀成爲子守節四十年卒

中江縣新志

卷六

士女

列女

卅五

庠生王士進妻成氏三邑廩生天秩女年十七于歸生子際璠際璉際珩二十九歲夫歿葆貞完孝卒年八十一  
呂鋈妻王氏生二子長聲韶乾隆己酉 恩科舉人任南部教諭次聲純由廩貢就教職氏二十六歲夫歿守節以聲韶受 封孺人卒時七十有一  
呂聲雄妻王氏年二十一于歸生子玉符二十四歲夫歿守節二十八年卒

王恒昇妻曾氏年十七于歸生三子二十七歲夫歿卒年八十有五

謝文鼎妻陳氏年十七于歸越一載夫歿撫胞姪宗棫爲

嗣入邑庠苦節六十五年卒

劉代新妻譚氏文元女年十八于歸生二子榮謨榮□二十六歲夫歿苦節四十八載氏年七十三歲卒

唐再華妻劉氏十九歲于歸生子賢仁年二十三夫歿撫子成立明經孫智達郡庠親見曾孫七人多置田產八十五齡卒

李世瑜妻林氏年二十三于歸生子錦二十六歲夫歿守節四十七年卒

監生唐再成妻王氏生一子二十四歲夫歿氏矢志守節事翁姑養葬如禮嗣以壽終

中江縣新志

卷六

士女

列女

卅六

沈海璋妻王氏年十五于歸生子國茂十八歲夫歿族人欲奪其志氏避居母家一載方歸卒能撫孤成立勤儉興家親見孫維綱中戊申科武魁卒年八十有二曾孫德均相繼入文庠

袁昭倫妻陳氏年二十于歸生一子二十七歲夫歿現年六十有四

冷正勉妻張氏年十七于歸二十四歲夫歿撫姪世倫承桃現守節五十六年

林通妻張氏緜州張千洪女年十八完配生二女三子二十八歲夫卒父歿於縣負骸歸厝夫兄相歿於三臺命

子尋之而葬現年九十有二

蕭朝清妻鄧氏年十七完配二十九歲夫歿生遺腹子榮  
光現守節四十一年

王維型妻何氏年二十于歸二十八歲夫歿撫姪爲子現  
守節二十二年

邱中環妻張氏年十八于歸生子長茂長松二十三歲夫  
歿現守節二十七載

張泰暢妻郭氏年十九于歸生子二二十四歲夫歿現守  
節二十六載

周信耀妻文氏年十九于歸二十六歲夫歿現守節四十

中江縣新志

卷六

士女

列女

卅七

八載

增生王沾繼妻張氏年十八于歸二十六歲夫歿撫幼子  
榮生進生成立現守節二十七載

黃廷巧繼室王氏年十七于歸生子清耀甫四齡清章方  
彌月二十一歲夫歿矢志青年完貞皓首現年一百歲

精神尙健孫尙中入邑庠

何文政妻李氏年十九于歸二十二歲夫歿撫子承桃現  
守節四十五載

杜永彰妻郭氏年二十三歲于歸生子文興文才二十九  
歲夫歿現守節三十八載

劉惇妻徐氏二十五歲夫歿生遺腹子永啟長入成均孫  
泗遠議敘八品皆氏教養之力現守節五十八載

庠生何昌禋妻鍾氏貢生朝瑞廩生朝璋胞姊年二十八  
夫歿撫夫姪爲嗣末幾殤又撫姪啟瑜成立年三十物  
故率媳守貞一門雙節現苦節三十七載

何啟瑜妻舒氏卽節婦鍾氏之媳生子景康年三十夫歿  
事孀姑撫稚子現守節二十四載

何昌禋妻李氏廩生滋聘堂姊二十五歲夫歿撫夫胞姪  
啟琨嗣孫二現守節三十三載

李大敏妻劉氏年十八于歸生子吉勝三十歲夫歿現守

中江縣新志

卷六

士女

列女

卅八

節三十八載

何懷德妻唐氏生子紹松三十歲夫歿現年七十有三  
李生文妻胡氏生子希陽年二十五夫歿家極貧矢志事  
親撫孤成立現守節六十五載

賴仕相妻張氏年十九完配二十一歲生子是年夫歿現  
守節四十一載

張懋中漢州人妻孟氏邑副榜恬裕長女年二十三歲完  
配生子照樞二十九歲夫歿氏矢志撫孤現年五十二  
歲守節二十四載

趙天健妻曹氏生子佑後二十九歲夫歿家極貧克修婦

職現守節四十二載

趙佑騰妻張氏年十七于歸生子爾宜二十五歲夫歿願獨力養姑不煩娣姒課子成立現守節四十載

趙佑佐妻羅氏年十六于歸生子爾福爾敏二十八歲夫歿善事二姑現守節三十二載

趙爾謙妻程氏生子先聲先輝二十四歲夫歿善事衰姑現守節三十一載

袁載盛妻鍾氏八歲適袁越數年完配生三子四女二十八歲夫歿現守節六十六載

張賢材妻韓氏年十六于歸生子貴翰景翰二十八歲夫

中江縣新志

卷六 士女 列女 三十九

歿養親撫孤翰卒又率媳守貞現年七十有九孫鴻翼邑庠生

鄭世珩妻何氏年十八于歸二十三歲夫歿生遺腹子仁勝撫孤成立現守節五十四載

孟祿連妻陳氏年十八于歸生子爵榮二十二歲夫歿現守節四十三載

劉守潛妻呂氏舉人呂聲韶女生員天健母二十六歲夫歿撫孤成立現守節三十四載

王履順妻呂氏增生呂銳女年二十二于歸越二載夫歿撫姪孔武爲子現守節四十載

鍾理景妻鄧氏典史鄧永魁女年十九于歸生子錫魁庚申賊匪入境夫被獲罵賊身亡氏年二十四矢志撫孤教子入武庠現守節六十有三

庠生黃鼎純妻陳氏年十八于歸生子四二十九歲夫歿現守節二十九載

陳常五妻劉氏年二十子歸生子九疇二十七歲夫歿孝養翁姑教子入庠現守節三十三載

葉泰和妻艾氏年十八于歸生子民化二十六歲夫歿現守節四十二載

黃長松妻孫氏年十八于歸生二女二十四歲夫歿撫姪

中江縣新志

卷六

士女

列女

四十

興誠爲子現守節二十六載

曹廷獻妻陳氏年十八于歸十九歲生子元鼎數月夫歿矢志撫孤現年六十有九

蔣永鳳妻鍾氏生子元孝二十五歲夫歿現守節六十載

汪昌茂妻李氏年十九于歸生子永康年二十五夫歿現守節三十四載

袁子實妻嚴氏年二十于歸生子公善二十八歲夫歿現守節三十載

黃金輝妻王氏年十九于歸生子長瀛長瑞二十六歲夫歿現守節三十五載

袁世校妻王氏年二十于歸生子昭聯二十八歲夫歿撫子成立職膺從九氏現守節四十五年

張宗宜妻林氏生子恩福二十五歲夫歿現苦節四十八年

王存武妻陳氏年二十一于歸生子成德二十八歲夫歿嗣其子亦卒率孀媳撫養乳孫現守節三十三年

彭開濬妻劉氏年二十于歸生子應春應佐年二十六歲夫歿盡孝撫孤次子入庠食餼現守節五十三載

庠生孟敏妻李氏監生李篔女年二十二于歸夫病割股和藥病稍瘥二十三歲夫歿撫姪鍾瀛爲子入國學現

中江縣新志

卷六

士女

列女

四一

苦節二十九載

鍾朝珍妻藍氏年十八于歸生三女二子盛虞盛和二十九歲夫歿現苦節二十三載

廖國琇妻陳氏年十八于歸生子世良二十九歲夫歿現守節三十七載

張泰宇妻陳氏年十七于歸生一子十九歲夫歿現守節四十四載

胡國禮妻何氏年二十于歸生子紹濂紹潤嘉慶五年夫送父入縣歸遇賊不屈死氏年三十聞之卽欲自盡從衆勸矢志撫孤長入庠增生現守節三十九載

涂登高妻賴氏年十七于歸生一子二十三歲夫歿現守節五十一載

李時萃妻劉氏年二十于歸二十六歲夫歿撫姪廷瑞爲子現守節三十六載

詹正宇妻樊氏年二十一于歸生子宗元二十八歲夫歿善事翁姑持家勤儉現守節四十二載

楊居本妻唐氏唐維仁女舉人唐世祿姑母年及笄于歸生子繼芳繼萱二十九歲夫歿現守節四十一載

白玉庭妻李氏恩貢統孫女年二十一于歸生子映庚二十六歲夫歿孝事繼姑現守節二十九載

中江縣新志

卷六

士女

列女

四二

鄧名孝妻龔氏年十八于歸嘉慶五年夫遇賊害遺一子周歲殤氏年二十二撫姪德裕爲子善事翁姑現守節四十載

生員李中玉妻戴氏年二十于歸生子希同希賢二十九歲夫歿家窘甚紡績供親現守節四十二載

顧俊秀妻易氏職員生周女年十七于歸越四載夫歿遺子廷楷舅病狂勤侍湯藥事繼姑以孝聞現守節三十載

許易仁妻彭氏年十七于歸生三子三十歲夫歿教子成立次用賓入庠現守節三十載

張泰易妻吳氏年十八于歸生子運亨二十八歲夫歿現守節二十三載

林發成妻劉氏年十七于歸生子三二十八歲夫歿現苦節二十七載

呂玉森妻何氏年十九于歸年二十四歲夫歿撫姪爲子現守節四十七載

樊有元妻馮氏年十七于歸越三載夫歿撫姪際秀承桃現苦節三十四載

劉運輝妻謝氏舉人謝用儀胞姪女年二十七歲夫歿撫子慰堂成立現年五十七載

中江縣新志

卷六

士女

列女

四三

黃惠妻金氏年十八于歸生一子一女二十九歲夫歿未幾子女亦殤氏念舅姑年邁勤紡績以養現年七十有七

陳大訓繼室李氏年二十于歸生子學修二十九歲夫歿率前妻子學儒婦黃氏茹苦守貞持身嚴正人咸欽之賴仕瑯妻雷氏年十八于歸踰年夫歿現守節五十九載胡明義妻解氏年二十于歸生一子二十八歲夫歿現守節二十六載

儒童丁良珠妻楊氏年二十七夫歿遺二子世憲世寬家貧現苦節四十四載

吳運貴妻陳氏年二十一于歸生子國元炳元踰七年夫歿現守節三十一載

陳學儒妻黃氏卽節婦李氏之媳黃嘉模女年二十一于歸生子易清二十五歲夫歿以女工事孀姑育穉子終身縞素現守節二十七載

蔣明玠妻游氏年十八于歸生二子二十八歲夫歿現守節二十五載

胡明光妻吳氏年十八于歸生子志鳳二十歲夫歿現苦節三十五載

楊言時妻李氏年十八于歸生子體賢二十九歲夫歿又

中江縣新志

卷六

士女

列女

四四

生遺腹子復賢現苦節二十八載

王心揚妻劉氏能誦書解大義年二十三于歸生子子恬議叙八品二十八歲夫歿姑年邁翁癱患勤侍湯藥喪葬盡禮現守節二十三載

楊世學妻張氏年十九于歸二十二歲夫歿生遺腹子延恒紡績養姑越二十四年子亦卒現苦節三十二載

唐元位妻龍氏年十七歲于歸生一子二十六夫歿現苦節二十四載

任泰秀妻廖氏秀峯妹年十八完婚二十八歲夫歿現守節五十載

鄧世祿妻唐氏十九歲合鬻生一子二十二歲夫歿事親  
撫孤矢志無二現守節三十九載

黃在正妻節壽吳氏年十六完配生子文煊文壽女二二  
十九歲夫歿矢志撫孤孫曾林立現年九十有六守節  
六十七載

劉人揚妻支氏年二十二歲夫歿撫夫姪啟才爲嗣入武  
庠姑病風臥床六載侍養周至現苦節五十三年

監生李典妻戴氏生二子癸丑年夫應京兆試不復歸罔  
知存歿時氏年二十八其翁文生長庚姑毛氏皆久病  
風痺勤女工以供湯藥葬亦盡禮教子成立現年七十

中江縣新志

卷六

士女

列女

四五

有四

廩生呂玉鸞妻趙氏年十七于歸生子振渭二十五歲夫  
歿現守節二十八載

鄧國權妻吳氏年十八完配生子泰理二十五歲夫歿養  
親撫孤現年五十有九

鍾姑通志鍾正奇女許字陳昌未嫁而昌歿姑誓不再字  
守貞終身

楊氏幼許字李久榮年十八久榮病篤迎歸未合鬻而夫  
歿氏親理喪事奉養翁姑撫姪昌國爲子年八十餘卒  
孫春芳武庠生

劉氏廣東鎮平縣劉端方女生甫三月許字同籍徐純慤  
襁褓適徐姑乳之八歲姑歿十一歲時翁率兄與弟來  
川貿易唯純慤與氏在家十七歲未婚純慤病故氏先  
葬純慤於姑墓側祭守十九載因念粵川兩隔復檢其  
姑與純慤骸骨偕孀母及胞姪負至川安厝撫兄次子  
斐然爲嗣道光六年卒六十有五

楊况氏况才德女幼字楊再玘六歲過門未婚而夫厄於  
水父欲以之他適氏聞謂母曰我甘心爲無兒之女不  
願作他人之媳比三十歲父母乃爲撫二子正濰正泗  
承祧卒年七十有四

中江縣新志

卷六

士女

貞女

四六

鍾三姑父名其正幼字陳黑子未婚姑辭世其夫遠貿亦  
亡至二十八歲時父母欲改嫁之氏言一絲爲聘千金  
不移守貞歷八十有二喜笑而卒

白氏監生白柱女幼適楊仲儒未合鬻夫故矢志不二撫  
姪楊燦爲嗣姑有足疾以氏焚香籲天乃愈守貞六十  
九年卒

李氏明鳳女幼字王四濤三歲歸王七歲夫故矢志堅貞  
父母不能奪撫夫姪禮瑞禮瑚爲嗣卒年六十有一  
湯大姑邑民湯義虎長女十三歲喪母二十七歲義虎卒  
命姑不必出嫁令其撫養弟妹姑遵遺命守貞爲弟妹

嫁娶并增置田產鄉黨稱之現年七十有二

羅氏羅士清之女幼年許字曾曰魁九歲適曾十七未婚  
曰魁病故氏矢志靡他撫弟之子繼身為嗣娶媳蕭氏  
生二子繼身二十七歲亦故氏又率蕭氏守節現年六  
十有九

侯氏國禎女文煥胞姊幼字陳洪德洪德年十五隨兄商

於外病故陳姓退

庚帖

氏誓不嫁父寢疾侍湯藥數年不

懈人稱女孝子現年七十有二

謝氏謝大膳女幼字陳姓未完配夫死於外守貞自矢父  
母成其志現年七十有四

中江縣新志

卷六

士女

孝婦

四七

李敦魯妻汪氏通志姑病汪割股以進獲痊

李定柏妻譚氏通志姑病篤氏割股以痊

楊氏陳光緒妻孀姑丁氏染疾不愈氏割股和藥以進病  
旋瘥迄今六十有七尙無恙氏年三十八歲生三子顯

揚顯璋顯瑞

楊氏陳光亨妻姑陶氏孀居抱恙弗瘳割股以供餐立愈  
氏生子二顯策顯第現年二十有九

康氏舉人李特壽妻夫北上姑張氏病篤割股和藥以進  
病立愈且享大年氏三十餘而卒

賴文芳妻劉氏庠生啟峯女姑尹氏染病難痊氏割股供

餐其病立愈今尙健氏現年三十有八

廖某妻吳氏吳映高之女通志幼孤育於祖母長適廖氏甫及一載而夫歿祖母與舅姑均憐其少寡無子勸令改適氏知所志不遂拊膺曰我生不辰罹此百憂將從夫子於地下矣遂自刎

羅登峯妻李氏通志年十八成婚甫四月夫歿氏投繯以殉

張氏年十九歸劉昌化爲妻甫五載夫遠貿乙酉六月訛聞溺死氏年甫二十四痛翁姑俱歿夫死無倚乃自經於母家及昌化歸始知之

中江縣新志

卷六

士女

義烈

四八

周氏宏倫女生乾隆庚寅年幼字唐宏熙小引過門未完婚氏年十七夫歿以身殉節縊於墓側

秦氏漢諫女年二十二歸王澤桓爲妻踰年夫故泣血不食十日而終

嘉慶五年賊目張子聰等犯境被脅不從死節婦女案報二十二人嘉慶十三年奉

旨祀昭忠祠姓氏見祠廟志此外尙多悉錄於後

劉姑通志劉國瑞女年十六未字賊至父令上寨女曰寨中人亂遂攜幼弟及兩姪藏匿山砦賊以火焚之俱斃劉三和妻譚氏通志夫亡氏年十八守節至八十二歲嘉

慶五年教匪犯境罵賊被害

鄧上旺妻黃氏通志教匪入境氏攜二子同逃賊追至氏取石擲賊賊怒皆殺之

羅昌珣妻葉氏通志昌珣與其兄昌璵拒賊身亡氏攜女桂英媳陳氏聶氏俱赴水死

蔣明照妻李氏通志年二十二夫亡守節教匪犯境氏與蔣明智妻林氏偕逃遇賊俱死節

劉娟通志劉士敷女一年十九一十五恐爲賊污同赴水死

趙氏蔣聯志妻途遇賊不屈遂死

中江縣新志

卷六

士女

節孝

四十九

江學書妻趙氏庠生懷清懷澤之姊嘉慶庚申教匪擾境隨舅姑避難突遇賊不忍離賊殺翁及姑氏以身蔽姑賊執之去號泣罵賊欲奪其刀賊並殲焉

林資粹妻趙氏年二十于歸生子道郁道郇嘉慶五年氏年三十同夫避難突賊衆尾至氏知難兩全以死自誓再三促夫乃去賊至脅之不從遂受重傷死賊去復甦次日有土人趙禮錄見之詢得其由給以飲食不能咽其家聞信往視已歿乃收葬焉

林資玠妻趙氏年二十九時教匪擾境賊至衆竄氏獨後賊逼之同行不從又脅以刀厲聲罵賊死

周氏議叙八品劉士隆妻嘉慶五年教匪入境士隆攜合眷避難突遇賊士隆欲犯之氏泣阻曰犯之恐俱無生不若暫屈以活全家遂夫婦被虜眷屬幸免於難及賊安營吊嘴夜半氏又泣謂士隆曰賊衆甚夥萬難夫婦全逃君有父母宗嗣之責盍急乘間遁去勿重以妾爲念士隆不忍氏促之越牆去氏卽於翼日赴河死鄉人咸親見之及脫歸多爲涕泣痛道焉

譚氏劉正一妻武庠存厚之祖母年二十于歸越二載夫歿撫夫姪棟爲嗣未幾殤又繼撫姪香嘉慶五年子被賊虜氏年七十八扶杖尾罵遂遇害三日子脫歸而母

中江縣新志

卷六

士女

節烈

五十

已亡

趙中業妻楊氏通志賊至與媳龔氏袁氏鄧氏孫媳楊氏逃避林箐中爲賊搜獲同死節

蔣三棟妻張氏通志攜女同逃遇賊俱被害

劉細妹通志祀節孝祠

陳正榜妻劉氏 趙詩澤妻龔氏 趙詩洸妻周氏 趙

詩漣妻楊氏 劉蔣氏 劉蕭氏 林趙氏 蔣藍氏

劉氏 趙氏 趙氏 張氏 劉氏 李氏 向氏

劉氏 趙譚氏 劉傅氏 劉蔣氏 鄭黃氏 鄭張

氏 周李氏 李程氏 李唐氏 李龔氏 李范氏

譚林氏 李王氏 倪鄧氏 劉謝氏 李氏 周氏  
張藍氏均於嘉慶五年教匪猝至被擄不從死  
補

胡德教妻曾氏夫歿氏年二十七遺一子矢志守節事翁  
姑教子孫卒年八十五

呂秦賢妻葉氏年二十六夫歿遺二子矢志守節歷盡艱  
辛冰操不渝姑早逝事翁奉養無缺翁年九十五無病  
而終喪葬盡禮教子課讀慈嚴兼盡長子銑入膠庠次  
子鈞列成均孫入太學者九曾孫雋元入邑庠諸孫繁  
盛五世同堂卒年九十三

中江縣新志

卷六

士女

節烈

五一

呂聲謨妻魏氏年二十夫歿無子堅貞守節敬事翁姑撫  
姪爲子教養成立

徐煥元妻余氏十八歲完配二十五歲夫歿撫夫姪宗賢  
爲嗣事翁姑孝守節四十四載卒

王恒暄妻彭氏十八歲于歸二十九歲夫歿撫夫姪維棟  
維堧嗣孝奉翁姑嚴御子姪守節三十三年卒

龍均澤妻顏氏年十九于歸生子祖璣祖臺三十歲夫歿  
守節五十二年卒

李宗立妻雷氏年十八歲于歸生一子成枋二十九歲夫  
歿矢志完貞現年七十四歲

胡德松妻周氏茂學女年十九于歸二十五歲夫歿矢志守節事上撫下克盡婦道卒年六十七子明蘇從九唐仕檢妻張氏年二十于歸生一子永峙甫六月而夫歿殯殮時悲哀幾絕撫孤成立卒年八十九

唐光照妻何氏年二十于歸生二子正國正邦越五載夫歿勵志貞操現守節三十六年

王陞祥妻何氏恩舉輔忠女年十七于歸生子履源一女又撫族姪履葆二十歲夫歿苦節五十五年卒

楊士才妻吳氏年十七完配逾年夫故守節二十年卒

范元達妻趙氏年十九于歸二十六歲夫歿生遺腹子現

中江縣新志

卷六

士女

節烈

五十二

守節三十二年

王仕槐妻龍氏庠生時亨女年二十完婚生子際鵬夫力學病故氏年二十九撫子娛姑守節三十七年卒

謝大傑妻曾氏年二十于歸生一女二十六歲夫歿撫族姪仕珍承祧和姊姒以養姑守節五十三年卒

龍光錫妻文氏年十九于歸生子增奉增廉二十九歲夫歿和睦娣姒菽水承歡現守節四十四年

劉人俊妻舒氏年二十二夫歿遺一子矢志守節事姑盡孝撫子成名以壽終

王履泰妻李氏生子繼武熙武崇武二十八歲夫歿現守

節四十載

歐陽積超妻許氏年二十于歸生一子二十六歲夫歿現  
守節二十八載

黃學榮妻陳氏年二十完配生子登仕二十六歲夫歿撫  
孤成立現守節三十六年

鍾本璘妻陳氏夫歿氏年二十九歲生子元音現苦節三  
十二年

劉昌言妻冷氏夫歿氏年二十六歲生子金相現苦節二  
十一年

林文江妻黃氏年十九于歸生子洪仁二十五歲夫歿現

中江縣新志

卷六

士女

節烈

五十三

守節三十四載

林山和妻陳氏年十九于歸逾年夫歿撫夫姪清平清安  
爲嗣現年五十七歲

王愷妻戴氏從九王預立母文生王勳祖母前已請

旨旌表

何盛恩妻李氏年十七于歸生三子逾十一年夫歿守節  
十八年卒